



# Los Papas Heëlebaan

P.a. Dr. Clemens Meulemanstraat 3A, 6418 PC HEERLEN  
KvK 141 12 239 RABO 1540.99.376

---

## **Los Papas Nujtsbreef - Oehtgaaf 5, joargank 2011.**

Betste Vasteloavendsvrung!

Vieër, de jònge va Los Papas, wille ug mit dizze nujtsbreef u bietje trük loate kiekke òp u klee lustrum van oos vasteloavendssezoehn. Dizze breef is alwèr d'r viehfde en doomit vieëre vieër u klee lustrum.

Ut sjient dat dit joar alling mar hoeëgtepunte gekind hat: va kingerzitting bis dameszitting, va oos optreëne i de tent i Heële bis de sjluëteluëverdrag in ut Gemindehoehs, woeë òg ozze nujje Burgervadder Paul Depla zig aktief hat mètte loate zieë.

Vieër hant gereesd va Klumme noa Zitterd en va Oosjbeëk bis Kirchroa. En ut is sjoeën um te zage: uëveral zint ver good en gans gasvрей binnegeloate. En normaal sjtònd de jonge va Los Papas neet beij u gegeëve ongerdeel sjtil. Mè dizze kieër wille vieër oos gòwwè-doelle-aksie waal efkes onger uër aadag bringe.

Vieër hant òp zoaterdig d'r viehfde fibberwarie 2011 zoeë ongeveer 750 nonnevotte oftewaal sjtrikke gebakke vuër de Voedselbank en ut Leger des Heils. Dit drieëne, vlegte en ut bakke doava is neet zoeëmar gegange. Alle mitwirkende manslùj hant unne sjnelkursus van unne i hat en nere rigtige bekker Voncken gekriege en zint doanoa mit hum en d'r wethouder Peter van Zutphen aa d'r sjlaag gegange. Òg de medieja hat heij aadag aa gegeëve. En vieër mage zage dat mennige Los Pappa heem unne durgsjtart hat gemakd.

Me kin zage dat de kling gebreëke mit de joare kòmme. Mar beij Los Papas woar doaj nieks va te merke. De boddies bewoge es geoliede mesjiennes òp de versjillende Bühnes. Òg de dienamiek sjarmeerde mennig meëdjeshat, zoeëdat dat van òs òg sjneller is goan kloppe. Noa ut sezoehn is òp d'r dònnerdigoavend en aan ut end van de weëk ging Los Papas-koorts mië. Da haste ut geveul datste get neet mitkries en òp zeuk bis noa get nujts.

Doa uëver, uëver dat nujje, wille vieër u gans klee bietje vertelle. Ut nujje sezoehn leeft neëmlich al beij òs. De meziek is al geregeld en de peskes en angere dansbeweginge zint òg al vaste vorme aan ut zeuke. Mar d'r is waal éé vrujke dat vieër vuër ut nieks joar nog mètte sjtrikke. En dat is oos Finy. Zonger dit meëdje kumt d'r neet éé inzig pasje òp de vloer en dat is natürlig waal nuëdig in oos nuj sjoow.

Leef lùj, de jònge va Los Papas wunsje ug alle goods tòw. En ongetwiefeld zient vieër òs d'r kòmme tied nog waal urges. Bis da!

De grus van âl die jònge va Los Papas,

Ger, Henk, Jo, Jo, Tibert, Walter en Louis

[www.lospapas.nl](http://www.lospapas.nl)